



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 7		Ramhlun North: Ni 15 February, 2025																									
LAWMPUINA ■ Ramhlun North tana Local Council member thlan tlin zawng zawng te thinlung takin ka lawmpui che u a. Khawtlang hmasawn nan theitawp chhuah a, dik taka rawngbawl thei turin duhsakna ka hlan bawk a che u. A tul anga in hnung zui a, tanpui tur che u in YMA member-te kan inring reng e. -President Ramhlun North YMA		LOCAL COUNCIL MEMBER THAR KAN NEI TA (Vote 60.66% kan vengah tla) Ramhlun North, the 15th February, 2025: Ni 12.02.2025 khan kum (2025-2030) chhung atana Ramhlun North Local Council Member tur thlan an ni a. Pu Jonathan C. Lalrintluanga, N-Sec. Returning Officer kaihhruaina hnuaiah harsatna awm lovin felfai taka inthlan a ni. Ram pumah Village Council/ Local Council inthlannaah hian vote 71.25% a tlak laiin kan vengah chuan vote tla hi 60.66% a ni. Part tina vote awm zat leh vote tlak dan hetiang hi a a ni <table><tr><th>Part</th><th>Total</th><th>Vote tla</th></tr><tr><td>Part 1</td><td>1230</td><td>683</td></tr><tr><td>Part 2</td><td>962</td><td>576</td></tr><tr><td>Part 3</td><td>1029</td><td>600</td></tr><tr><td>Part 4</td><td>588</td><td>345</td></tr><tr><td>Part 5</td><td>694</td><td>446</td></tr><tr><td>Part 6</td><td>771</td><td>506</td></tr><tr><td>Total</td><td>5274</td><td>3156</td></tr></table> Hei bakah hian Election Duty vote thlak 43 a awm bawk a ni. He mi zan vek hian Govt. Model English Medium English School-ah vote te hi chhiar nghal a ni. Heng mite hi thlan tharte an ni: GENERAL HMING PARTY Pu Rothangpuia, K-Sec. ZPM Pu Lalmawizuala, K-Sec. ZPM Pu Lalbiakdawla, N-Sec. INC Pu Lalmalsawma Sailo, T-Sec. ZPM Pu F. Laldawngliana, V-Sec. ZPM RESERVED Pi Zonunmawii, C-Sec. ZPM Pi Lalnunpuii, V-Sec. INC				Part	Total	Vote tla	Part 1	1230	683	Part 2	962	576	Part 3	1029	600	Part 4	588	345	Part 5	694	446	Part 6	771	506	Total	5274	3156
Part	Total	Vote tla																											
Part 1	1230	683																											
Part 2	962	576																											
Part 3	1029	600																											
Part 4	588	345																											
Part 5	694	446																											
Part 6	771	506																											
Total	5274	3156																											
BRANCH THU THAR ■ Member Zawn: Kum 2025 chhunga Ramhlun North Branch, YMA member tur kan section hruiatuten anrawn zawng leh dawn a. Membership fee mi pakhatat Rs. 5/- a ni anga, tin, khawmpui tanpuina atan Rs. 5/- member pakhatat a ni bawk ang. Member zawn hi March thla chhunga zawh hman tura ruahman a ni. ■ Chhiatni Fund: Tunlai hian hruiatuten Chhiatni Fund an khawn mek a, chhungtin te lo ngawipawimawha, lo pe theuh turin kan inngen thar leh a ni e. ■ Pem Lehkha: Hmun dang atanga kan vengaw rawn insawn zawng zawng ten Pem Lehkha an nei ngei ngei tur a ni. Rawn pem thar te mahni section hruiatute hnenah in report thin tur a ni. Tin, in neitute pawhin Pem Lehkha hi lo ngaih pawimawh thin tur a ni. ■ Sawizahawla Section: Ni 21.02.2025 zan hian Saizahawla Section te Chawngbawla Runah committee neih tum a ni. ■ Thlanmual Sub Committee: Ni 18.02.2025 zan hian YMA Committee Room-ah committee tum a ni e. ■ CCTV dahna sawn dawn: Library Room-a CCTV Monitor leh khawl awm te chu remchan zawkna avangin Chawngbawla Runah sawn chhoh tur a ni a, hma lo la turin Property Sub-Committee te ruat an ni.		BRANCH EXECUTIVE COMMITTEE MEETING VAWI 2-NA Nizan ni 14.02.2025 dar 7:00 khan Chawngbawla Runah YMA: Ramhlun North Branch Executive Committee meeting wawi 2-na that a ni a. Thu rel thenkhat te hetiang hi an ni. ■ Central YMA ah kumina kan branch budget Rs. 20, 500/- leh Annual Fee Rs.200/- pek tlak a ni. ■ Chhiatni kaihhruaina ennawn a ni. (Remchangah a kimchanga tih chhuah a ni ang. -Ed) ■ Section tinte kumin budget atan Rs. 8,000/- tuk an ni. ■ Chapchar Kut Run ni 03.03.2025 a neih turah kan branch aiawhin heng mite hi kan branch aiawha tel tura ruat an ni. 1. Branch Ob-te 2. Pu Rodingliana, ECM 3. Pu Lalhriatpuia, ECM 4. Pu VL Pianruala, ECM 5. Pu R. Lalrinliana, ECM ■ Chapchar Kut, 2025 lawmnaah hnam lam Cheraw leh Tlang lam-a tel ve ni se tih a ni a, mawh lo phur turin Branch OB te leh Section tin Leader leh Secretary te ruat an ni. ■ ‘Tuihna Humhalh’ chungchanga Inter-Branch YMA video clip insiamsiak Central YMA buatsaihah tel ve tum a ni a, heng mite hi mawhphur tura ruat an ni: 1. Pu Biakchungnunga, Branch Secretary, 2. Pu R. Lalrinmawia ECM, 3. Pu VL Pianruala, ECM leh 4. Tv. Lalthanchhunga, ECM te ruat an ni. ■ Central YMA chuan Pawl-IV chin hnua lama Mizo subject zir lo te mahni branch tina dapchhuah nise a ti a, hma lo la turin Branch OB te ruat an ni.																											



Khua leh tui tha

India khua leh tui (Citizen) kan ni a, hei hian mawhpurna tam tak a keng tel a. He mawhpurna hian mimal tinte dan ken kawhna chungchangah te, dikna humhimna kawngah te, ram inrelbawl na dan tur kawngah te chanvo pawimawh tak mi pe theuh a ni. Heng kan chanvo hi khua leh tui tha ni tur chuan kan kova tla, kan hlehchhuah ngei tur a ni.

Dan hnuaia leng kan ni a, ram pum dan a awm a, tual chhung dan a awm leh bawk. Pawl hrang hrang te pawhin dan an nei vek. Dan zawm loh chuan mi tha a nih theih ngai loh. Dan zawm hian inrelbawl na a ti felfaiin, a ti awlsam thin.

Khua leh tui tha ni tur chuan ram leh hnam kan humhalh hi ka chanvo pawimawh em em a ni. Mizo kan ni a, Indian pawh kan ni. Mizo kan nihnaah hi chuan kan Chiang Chho zel a. Tual chhung thil piah lamah ram pumhuapah pawh kan nihna hi kan chian a ngai a ni. Ram leh hnam humhalh kawngah pawh hian rilru zau zawk kan put te pawh hi a tul a ni.

Kumpinu rorelna hnuaiah kum 300 chuang kan awm a, min awp betin min chenchilh a. Amaherawhchu, India rama hnam hlun tak tak te hian a hnam zia an hlauh mang der lo. Hnamah an chian hle a rinawm. India danpuiin min humhalh chung pawh hian hnam dang zia hi kan seng lut nasa a ni. Kan tun hma nunah kan khawsak a sam hle a, a tha lai seng luh chu kan mamawh teh meuh mai. Mahse, kan hnam zia rang bo khawpin kan senglut ang tih a hlauhawm tawh hial a ni. Kan hnam a bo loh nan kan hnam zia chhawm nun tlak ang ang te kan chhawm nun zel hi ka kova tla a ni.

Inthlan te, khawtlang chanchin a chhia a, tha ngaihven te, khawtlang thil tiha tel ve thin te hi khua leh tui kan nih chuan kan mawhpurnhna pawimawh a ni. 'Rome khuaa awm chuan Rom-ho tih dana tih ve mai tur' an tih ang khan, He lai hmunah chuan Mizo nun zemawi-Tlawmngaihna nen mi dangte tanpui duhna rilru i pu zel ang.



Lianchhiari Lunglen Tlang leh A Puan Tahna

Mizote zingah Lianchhiari chanchin hre lo hi eng zat tak awm ang maw! Tlema la nau deuh te an nih ngawt loh chuan a nawl pui chuan Lianchhiari chanchin hi kan hriat vek a rinawm. Lianchhiari lunglen tlang hi Dungtlang khaw tawn tih tlang sang laia awm a ni a. A hmun hma awih deuh mah se a nuam em em a. A bik takin, a lunglen tlang an tih tak a, lung va lawr sei lai bik phe chu khaw thlir nan a rem em em a.

A m a h erawh chu, a hnua lam a san em a v a n g i n tlema thil sang deuh hlek ngam tan lo chuan a hmawr a va chuan kai mai mai chi a ni lo.

Lianchhiari Lunglen Tlang hi Dungtlang khaw lu-a awm a ni a, Champhai atangin km 65 vela hla a ni. A hmun hi a hlu in, a lar em a, Mizoram sorkar Art & Culture Department pawhin hmun pawimawh, humhalh tlakah ngaiin Mizoram Ancient Monuments & Archeological Sites & Remains Act - 2001 hnuaiah humhalh in an enkawl mek a ni.

Pathianin hmeichhia leh mipa ah hian induh tawnna, inngainatna leh inhmangaihna hi a lo dah nasa khawp mai a. Mi tam takin hman ata tawh, tun thleng pawhin chu induhtawnna, inngainatna leh inhmangaihna chu nun tinuamtu leh dam lai pialral chen nan an hman laiin, thenkhat thung chuan mualpho phah nan te, thih phah hial nan te pawh an lo hmang tawh a ni.

Keini Mizo hnam tlem te leh hnam la naupang tak zingah pawh inhlam chhawn thawnthu kan neih zing mi hriat lar leh an



chanchin ngaihnaawm kan tih ber berte hi nula leh tlangval inngaihzaawmna lam hawi deuh vek a ni ti ila, kan tisual awn lo ve. Tin, kan hla neih tam zinga a tam ber hi nula leh tlangval inhmangaihna hla a ni bawk. Lianchhiari thawnthu pawh hi inhmangaihna thuk tak avanga tun thleng ngaihnaawm leh hriat hlauh khawpa hmingthang a ni.

Lianchhiari chanchin kan en chuan, tuna tlang kan sawi mek atang hian a bialpa Chawngfianga a thlir thin a ni a. Heta tanga lo lang chu, hmanlai kan pi leh pute atang khan mipa leh hmeichhe inkara hmangaihna hi kan lo la na hle a nih tih a hriat theih a.

Khang hunlaia an nun phung kan thlir chuan, khatiang taka lungleng leh mite hriat pawh hlau lo va Lianchhiari'n a lunglenna a ti lang ta mai kha an sawi uar mai mai a ni lawng maw tih awl tak tur a ni a. Mahse, Lianchhiari chang ni lovin, kan thawnthu dangah pawh hmangaihna avanga nun hlauh phah leh nasa taka che chhuak sawi tur an awm zeuh zeuh avangin kan Mizo hmeichhiate hi an duhnaah chuan an lo che na thei hle a ni tih a hriat thei awm e.

Mihring te hian hmangaihna kan nei theuh a, chu hmangaihna chu kan duh vang reng ni lova hmelmate'n min tih chhiat sak chuan a tawrh dan a dang a, a na bik a ni tih Lianchhiari chanchin atang hian a hriat theih a. Lianchhiari lunglen tlang kan thlir apiang in Lianchhiari lunglenna phena khawharna leh lunglenna hmangaihna in a siam chhuah mihring te tana tawrh har tak ni si chu kan hre nawn fo dawn a ni.

Lianchhiari lunglen tlang thlen hma lawk hian, Lianchhiari puan tahna nia an sawi chu hmuh theihin a awm a. Heta Lianchhiari puan tahna nia an sawi hi, puan tahna ni awm taka a pian zia a lan avangin Lianchhiari hming pu in Lianchhiari puan tahna an ti niawm takin a ngaih theih a. A hmuna Chiang taka en chuan puan tahna ang ve viau mah se hmeichhe tana puan tahna chi rual niin a lang lo. Mahse, heng lai hmun vel hi a ti ropui ve hrim hrim a, hmanlai huna kan pi leh pute lo ropui zia ti langtu pakhat a ni bawk a ni.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Dr. Vanengmawia

Manager: C. Lallianzuala (9862365843); **Asst. Manager-te:** Zodingiana, Lalrinchhana, Lalrinawma

Circulation Managers: PB Lahuapzauva, Samuel Lalhlupua, Hmingthanazuala, Lalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
ZIN & HAW ■ Pu Rorelliana, Branch Treasurer chu a fapa nen Kolkata-ah an zin. ■ Pu Vanengmawia, kan Jt. Editor chu hna pawimawh buaipuiin Kolkata-ah a zin. ■ Pu R. Lalremruata, S-Sec. te nupa chhiattawh avanga Halflong-a zin chu an lo haw leh ta. ■ Pi Vanlalngheti w/o Lalremruata, K-Sec. chu an chhiattawh avangin Khawlekah a zin. ■ Pu K. Lalremruata, K-Sec. te chhungkua chhiattawh avanga Thingsulthliaha kal chu an lo haw leh ta. ■ Nl. R. Lalmangaihsangi d/o David Laltlankima, S-Sec. chu a zirna hmun Imphal, Manipur-ah a kal leh ta. ■ Pi K. Lalthanpari w/o Lalrothianga, S-Sec. leh a fanu Nl. Zomuanpuii Khiangte inentira Guwahati-a zin chu an lo haw leh ta. ■ Pi Lalbiaktluangi w/o Dr. KVL Rochharzela, V-Sec. leh a fapa Dr. K. Lalchhanhima inentira Vellore-a zin chu an lo haw leh ta. ■ Er. Zosangliana Ralte, T-Sec. hna pawimawha Bungthuam, Zawluama zin chu a lo haw leh ta. ■ Tv. Liansangpuia s/o Dr. Joseph Lalmingliana, C-Sec. chu a zirna hmun Delhi atangin chawlh hmangin a lo haw. ■ Tv. Vanlalhriata s/o Malsawmthara, K-Sec. chu a zirna hmun Bangalore-ah a kal leh ta. ■ Pu Lallura Zote, V-Sec. inentira New Delhi-a zin chu a lo haw leh ta. ■ Pu KC. Lalramluahpuia, ECM thil pawimawh buaipuia lo haw chu a hnathawhna hmun Champhai lamah a kal leh ta. ■ Pu Joel Lalthanliana, C-Sec. Fin. Secy. chu MTKP inkhawmpui hmangin Lunglei-ah a zin. RUANG CHHUAK ■ Biakchungnunga (Kum-44) s/o Lianhriama (L), S-Sec. chu ni 11.02.2025 khan a boral-a, A in luahnaah chawlhpuia a nih hnuin an khua Kolasib lam panpui a ni. ■ Lalnunfeli Fanai (Kum-34) d/o F. Lalbiakmawia (L) chu ni 12.02.2025 khan a boral a, Pu F. Ramdingliana, V-Sec. inah chawlhpuia a nih hnuin an khua Champhai lam panpui a ni.	DAMLO ■ Pi Vanlalkimi w/o Rev. Lalthangliana, V-Sec. chu Synod Hospital, Durtlangah enkawl mek a ni. ■ Dr. G. Lalthianghlina, C-Sec. Vellore-a inenkawl chu dam takin a lo haw leh ta. ■ Pu F. Lalbuanga, V-Sec. Synod Hospital Durtlanga a mit zai chu dam takin a lo chhuak leh ta. ■ Nl. Lalmangaihsangi d/o Vanlalruata Ralte, N-Sec. chu Eye Care-ah a mit zai a ni. ■ Marina Lalrempuii d/o Lalawmpuia Selate, S-Sec. chu Synod Hospital, Durtlangah enkawl mek a a ni. ■ Rev. Sanghnuna, V-Sec. chu natna hrang hrang avangin in lamah enkawl mek a ni. ■ Pu Malsawmdawngliana Chhangte, S-Sec. LRM Hospital-a awm chu in lama inenkawl chhunzawm turin a lo chhuak. ■ Pu Zoliansanga, V-Sec. Synod Hospital, Durtlanga awm chu a lo chhuak leh ta. ■ Reuben Lalminghlua s/o Lalramchuana Zote, V-Sec. Synod Hospital, Durtlang-a awm chu a lo chhuak leh ta. ■ Pi Lalnunthari w/o HC Lalrinchhana, T-Sec. chu in lamah enkawl mek a ni. ■ Pi Lalngaizuali w/o Tuikhuahtanga, N-Sec. Ebenezer Hospital-a awm chu a lo chhuak leh ta. ■ Pi Kapchini m/o Lalfamkima, C-Sec. chu in lamah enkawl mek a ni. KOHRAN ■ BCM: 1. MTKP Inkhawmpui wawi 48 na Lunglawn, Lungleia neih mekah Ramhlun North TKP Unit atangin member 70 chuang te bus-2 leh mimal motor-in an kal a. Inkhawmpui hi ni 13.02.2025 khan tan a ni a, nakzan hian a tiak ang. Thupui atan, <i>‘Pathian Hnaih Rawh U’</i> thlan a ni. Wawiin chhun hian Ramhlun North Unit te hian drama an chang. ■ 2. Wawiin ni 15.02.2025 hian Kohhran hnuiaia Department leh Committee peng hrang hrang sum vawngtu ten Kohhran Hall-ah Accounts training an nei. ■ Presbyterian Kohhran, Ramhlun North: Ramhlun North Pastor Bial Pavalai Inkhawmpui chu ni 14.02.2025 khan Ramhlun North Presbyterian Kohhran Biak Inah nghah a ni a, nakzan hian a tiak ang. Thupui atan, <i>‘Pathian Hnaih’</i> thlan a ni a, sawitu atan Upa C. Ngurthantluanga, Khatla a ni ang. Bial OB tur thlan a ni a, heng mite hi kan veng atanga thlan te an ni. - Chairman: Pu K. Lalbiakkima, S-Sec. - Vice Chairman: Pu T. Lalremruata, T-Sec. - Asst. Secy: Pu Lalfakzuala, N-Sec. - Treasurer: Pu C. Laizawna, T-Sec. ■ The Salvation Army: Tunlai hian an Biak In pawn lam bang te an thawm tha mek.	KEIMAHNI ■ Branch Exective Committee chuan MARYMA kan khawl hlui te a thara thlak min phalsak a, kan lawm hle a ni. ■ MARYMA hian vengchhung in tin lut se tih hi kan duhthusam a ni a, a semtu te kan inthlak bawk nen lo la dawng lo te kan awm palh a nih chuan kan manager Pu Mapuia (Ph: 9862365843) ah hian kan inhriattir dawn nia. THILDANG ■ Pu Hmangaihtharzela, N-Sec. Pu Zarzokima (L) in luah chu ni 08.02.2025 chawhnu lam khan rawk a ni a, pawisa ruk sak an ni. Mitin fimkhur thar lehzual ang u. ■ Basketball: Mayor’s Cup, 2025 khelh mekah kan ward aiawhin kan veng hminga chhuah a ni a, nimin ni 14.02.2025 khan khelh hmasa berah ward no. 14 (Khatla veng) kan tum a, 83-78 in kan chak. Wawiin tlai dar 6:30 hian ward no. 2 aiawh Bawngkawn veng nen kan inkhel leh ang. PAWL DANG ■ MPF: (LAWMTHU SAWINA) Ni 12.02.2025 a Ramhlun North LC Inthlanna khawtlang hruaitu tha tak tak mi pasarih kan thlan chhuah te kha Ramhlun North MPF, Local Forum ten kan lawmpui a. Rorelna dik leh tha an neih theih nan duhsakna kan hlan a ni. Pathian malsawmna kan dil sak bawk e. - Inthlan hma leh inthlan lai khan duh thawh takin Political Party te hnenah ngenna kan siam a, dik tak leh dan baka thil ti lo turin kan ngen bawk a. kan ngenna min tih hlawhtlin sak a, mahni inveng tawn zel chung a inthlan kan han zo ta kha Political Party leh kohhran ho tawngtai chhanna a ni a, Pathian chuanga lawmthu kan sawi bawk a ni. -Rev. Vanlalrova Khiangte President LAWMAWM ■ Tv. Jonathan Lalhriatrenga Pachuau s/o James Lalmingliana Pachuau, N-Sec. chu Aizawl Theological College-ah BD zir turin a tling. ■ Tv. Rodingluaia s/o Lalbiakhluna, K-Sec. chu Aizawl Theological College-ah BD zir turin a tling. HINDI TAWNG THIAM I DUH EM? Kum 20 chuang (2003) atanga zirtima hmunpui, Giandip Hindi School-ah thla thum chung lekin i inhai kuak theihna khawp i thiam hman ngei ngei ang. Rawn pan ve rawih mai rawh. Zirlai te, Thalai te, nu leh pa engti mi pawh rawn pan tawh ten an hlawhtlin pui hle. Hindi CI-IV atanga BA thleng Admission kan hawng mek e. Spoken chauh zir duh tan pawh a zir theih e. Contact: 8259838688/ 7005322578/ 9862357811 (2-1) LAYER AR LAYER AR (Rainbow Rooster) puah loh a pumin kan zuar e. A pa Kg 1 Rs. 250, a nu kg 1 Rs. 280 a ni ang. 8837326921 Basic Mual, Ramhlun North



ARTICLE

LOCAL COUNCIL THLAN TLIN LEHA

BEH BAWM :

-Hriattei Pa
V. Sec.

Electoral Roll of Local Councils Under AMC-2025, Ramhlun North. Kumin 2025 Summary Revision, ni 08.01.2025 in a tarlan danin -

Aizawl Municipal Council, Local Council Roll Ramhlun North-ah hian In 1242 awmin Voter hmeichhia 2382 leh mipa 2892 avaiin 5274 kan awm a.

Kan khawtlang nu leh pa leh veng hmasawnna leh chhiat/ṭhata hma hruiatu ni turin Political Party pathum INC, MNF leh ZPM aṭangin Candidate mi 20 hetiang hian an rawn thehchhuak a:

INC

PB. Lalawmpuia
Lalbiakdawla
Lalremchhunga
R. Lalthantluanga
R. Lalthlamuana
Lalnithangi
Lalnunpuii

MNF

C. Lalnunmawia
Lalthangkima
Singliana
K. Laltlanmawia
H. Lalchhuana
R.Lalrintluangi

ZPM

F. Laldawngliana
Lalmalsawma
Lalmawizuala
Rothangpuia
B. Rozamliana
Lalchhuanmawii
Zonunmawii

Heng zing ṭang hian Mi 7, (Reserved Seat hmeichhia 2 telin) khawtlang mipui ten min kaihruai a, kan hmasawn zel na atan khawtlanga roreltu ni turin ni 12.02.2025 zing dar 7 aṭangin kan thlang ta a ni. Tin, a zan la la hian Govt. Model English Medium Primary School-ah Vote chhiar nghal a ni.

Heng mi 7-te hi kan thlang chhuak a, vote percent an hmuh dan, a hmuh san indawtin :

General Seat:

- | | |
|-----------------------------|--------------|
| 1.Pu Rothangpuia - (ZPM) | 1579=29.9 % |
| 2.Pu Lalmawizuala (ZPM) - | 1424=27.00% |
| 3. Lalbiakdawla (INC) - | 1396=26.46%. |
| 4. Lalmalsawma (ZPM) - | 1305=24.74%. |
| 5. F. Laldawngliana (ZPM) - | 1173=22.24%. |

Reserved seat:

- | | |
|------------------------|--------------|
| 1. Zonunmawii, (ZPM)- | 1546=29.31%. |
| 2. Lalnunpuii (INC) - | 1288=24.42%. |

Tin, Party hrang hrang, ZPM candidate 7-te hian veng mipui vote 25.20% an hmu a, INC candidate 7-te hian 14.28% an hmu a, chutiang zelin MNF Candidate 6-te hian an chuh aṭangin 12.16% vote an hmu bawk a ni.

Kan thlanchhuah te hi hnathawh kawr kan bel a ni a, an lakah hian kan beiseina a sangin, kan thikthu a chhe viau thei bawk a, khawtlang chhiat ṭhatah mawh an phur a ni tih an hriat pawh a ṭha awm e. Tin, mipui chanvote min hum saka hmasawn zawka min kalpui hi a ngai a ni. Thlan tlin nih taka a thlangtu beiseite hlamchhiah leh si hi thil awm thei a ni. Mi ṭhenkhat tling ta mahn̄i ṭanghma haia Contractor emaw inti ta maite pawh hmun ṭhenkhatah chuan an awm ve bawk ni ten an sawi ṭhin a, hei chu Ramhlun North mipui rilru a nih loh hmel awm e.

Mipui mamawh leh tih lawmna tur leh beiseite tihhlawh tlin ngai tlem a awm, chungte chu- Tui, Gas, Ration buhfai, kawng ṭha leh Electric eng ṭha kan neih hi a pawimawh hmasa ber a ni ang.

Tin, kawng dunga lirthei dah dan tih fel ngai, rikrum thil a chhanchhuahna hna thawktute tibuai thei khawpa kawng ti chepa lirthei dah ṭhin chung changte. Ranvulh khuahkhirh a bikin khawlaia uiék hmuhtur tam tak khuahkhirh chung changte pawh hma lak ngai hmasa a ni thei awm e.

Chutih rual chuan veng mipuite pawhin ṭha taka kan khawtlang roreltute kan ṭawiawm a, kan thawhpuaia, finchhuah zel hi kan mawhphurhna a ni tih kan hriat reng a ṭul awm e.

Local Council Member atana tlingte duhsakna kan hlan a, tling ta lote pawh nasa leh zuala veng tan ṭan la zel turin duhsakna kan hlan bawk e.



ADVERTISEMENT

KC TUI

(10-1)

Tui thianghlim 2,000 litres,Pick Up-in kan pe thei e. Kan tui chawi PHE quality test paltlang ngat a ni e.

Ph: 70050 10327 / 97742 23462

M.S. SEPTIC TANK SERVICE

(6-2)

Septic Tank khat paihfaí, commode Block, Pipe Block leh Soakpit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-1)

LD SEPTIC TANK SERVICE

(5-1)

Septic Tank paihfaí, commode block, Pipe/ comode fitting, soakpit leh a khur reparing engkim kan khawih thei e.

Regn. MSR 154/2022

Ph: 7640879768 / 9366215935

SAWMA SEPTIC TANK SERVICE

Septic Tank khat paihfaí, commode block, pipe fit, soakpit thar siam engkim kan ti thei e.

Rate: Inbiakremna

Ph: 8119969364

ST. STEPHEN'S SCHOOL

(5-1)

RAMHLUN NORTH, AIZAWL

ADMISSIONS OPEN FOR HS & HSS (Arts & Sc)

Special Features: Soft Skills (Spoken English zirtir & Personality Development), Career talk, Guest Speakers.

FREE ADMISSION FOR CL-IX (9774632726/ 9436353625)

HNA RUAK

Presbyterian English School **PES** a thawk tur zirtirtu pahnih mamawh a ni a, a dil duh tan a Ni 3-28.02.2025 chhungin PES-ah dilna form a lakchhuah theih ang. Trained Graduate leh Theological Graduate tan dil theih a ni ang.

Ni 4.03.2025 ah Ramhlun North Presbyterian Kohhran Biak-In hnuai Sunday School Room-ah Written Test neih a ni ang.

Ni 15.03.2025 10:00 am-ah Ramhlun North Presbyterian Kohhran, KṬP room-ah Interview neih a ni ang.

Rev. B. Sangthanga

9436372139

(3-3)

CH.K TUITION CENTRE

February 2025 atanga ṭan turin Class 1- 10, subject hrang hrangah tuition a mamawh tan hawn a ni dawn ta e.

A hmun: H. Chalkhuma Building

H. No. C/115/C/III

Biak In mual, Ramhlun North

Contact No:

9862575455 | 9862343947